

| إنت بتشتري راجل يا عمي !! | الحلقة (40)

#الشباب_والصيف | د. حازم شومان

حازم شومان

لله وکفى وصلة وسلاما على عباده الذين اصطفى. اللهم لك الحمد كله ولك الملك كله. وبيدك الخير كله واليک يرجع الامر كله اللهم صل على عبدك ونبيك محمد صلى الله عليه وسلم. في الاولين والاخرين وفي كل وقت وحين. اما بعد. اخوانی واحبابی في الله شبابنا وبناتنا ربنا - 00:00:32

فيكم وربنا يحفظكم. يعني انت بتشتري راجل يا ترى هنتكلم عن ايه يا جماعة؟ خبر كده جه في الجنال. شاب من الشباب اتفرج على كليب من الكليبات المثيرة جدا كان لواحدة من المشاهير في الكليبات ثارت شهوة الشاب شاف جارته من البلكونة. راح خطب عليها وحاول يتعرض لها بالاغتصاب. ولما قومته - 00:00:52

شباب كتير جدا بينزل الجامعة يعيش في دور التنين والشاب اللي روش طحن والشراب لون القميص ولون التيشيرت والساعة مش اي في حاجة وبيكلم دي ولذاذة وطعامة شاب محبوب جدا اخرج شاف بنت عجبته. هو معتقد ان الناس كلها بتتحبه - 00:01:32

ويبقى له قيمة خطيرة جدا في الحياة. يروح يتقدم لابوها. انت بتشتري راجل يا عمي. انت ما انتاش عارف اهو واقف على باب واقف على الباب بقى زي البروم والتمثيل اللي احنا - 00:01:52

عملناه للحلقة واقف على الباب بقى يحط البرفان ويعدل الدوجلاس هو معتقد ان دي امكانيات خطيرة. اول ما حماها يشوفه هيئهار
ويقع من ويجببوا لبس كتاف يدخل يتسلل تلات اربع اسئلة يت恰恰ب لمس كتاف. يا ابني انت عندك شقة انت هتسكنها فين؟ الشقة
يتعاتك ولا ايجار - 00:02:02

انت يا ابني تقدر تجهز العفش في خلال قد ايه؟ انت يا ابني شغال ايه؟ انت دخلك السابت قد ايه؟ في النهاية احنا اسفين يا ابني. ما عندناش بنت للجواز. طب - 00:02:22

لو كان الشاب معلق قليباً بالبنت شوية او عجباه بيخرج يتحطم احساس انسان لاول مرة. حس انه في سوق الحياة ما لوش قيمة. ما لوش وزن بعد ما كان بيحسب ان اللذازة والرواشة والكحرنة والشهامة والعلاقات والدحك والهزار كان بيحسب ان دي امكانيات بتؤهله للنجاح - 00:02:32

في الحياة درس الليلة يا شباب. صرخة تحذير. صرخة تحذير للشباب كلهم. من انهم يتحولوا لنموزج الشباب اللي انا عارفه واللي انا عملت الدرس ده عشان ما حدش منكم يبقى نموزج من هزه النمازج. درس الليلة تفسير. ليه القهاوي مليانة؟ مئات الالوف من الشباب

اللحة اللي احنا قاعدين فيها. اوعوا تفكروا انهم شباب بيهمصوا. دول شباب محطمين. دول شباب اتعرضوا للتجربة اللي انا باكلمكم عنها دي. او تجارب شبيهة حسوا انهم ما لهمش قدرة حقيقي في المجتمع لجاؤوا للقهوة. وللاحتباط مراحل تحطيم شاب. مراحل

انهيار - 00:03:12

مراحل انتحار شاب. المرحلة الاولى مرحلة انه يعيش ويهايس وهو في سنة وهو في جامعة. وفاكر ان العمر طويل وفاكرها بمبي ان الموضوع مش كده. الشباب بيدأ حياته بعد الخمسة وعشرين حياته العملية الفعلية. وعايش بالطول والعرض. المرحلة الثانية من الانهيار. لما - 00:03:32

يشوف واحدة تعجبه وييجي يتأدب لها او يروح يعمل انتريفيو في مالي ناشيونال جروب او يروح يعمل انتريفيو فسفارة دولة عايز يهاجر لها اكتشف ان هو ما عهوش اي مؤهلات للحياة. ويكتشف ان كل الايام اللي قضاها في اللذادة والطعامة كانت محطة والدنيا عدته وهو فضل مكانه - 00:03:52

المرحلة الثالثة من انهيار شاب يفضل قاعد على القهوة مستني فرصة من السما. وربنا قادر ولكن مش دي سنة ربنا. المرحلة الرابعة من مراحل انتحار شاب قعدته على القهوة. قعدة القهوة دي مصيبة يا جماعة. لانه بيقعد على القهوة بيتص للحياة بنزرة تانية. بيتص للي كان بيحبها. وهي راكبة عربية جميلة - 00:04:12

قيل مع خطيبها اللي لما اتقدم لها ابوها رضا انه يجوزها له وهي ماشية بتضحك وكأنه هو حاطة واتست من الحياة. بيتص لصاحبه الغني اللي معه من قدام القهوة بالعربية الفارقة بتاعته وهو ما هوش غني ولا حاجة. طب انا بيدأ يحدق على المجتمع. بيتص للناس اللي معها فلوس بتصرف فلوسها في ايه - 00:04:32

ملياردير اللي كلف جوازة الكلب بتاعته ملaiين. هو انا ما اقدرش ما بقتش لي قيمة في المجتمع زي ده! بيتص لا تتخيله نفسية وعقلية اللي قاعد على القهوة بيفكر في ايه ؟ او بيفكر ازاي ؟ هو هو اختار انه بيتص على الحياة من الزاوية السودا. للأسف الشديد - 00:04:52

لا تتخيل وهو بيتص على المغني اللي بيأخذ متين الف دولار في الحفلة. طب انا يا ربتي كنت طلعت مغني على لعيب الكورة اللي شركة موبينيل عملت مليون جنيه لكل لعيب من اللاعبين اللي هيكسروا الماتش المهم جدا جدا. التاريخي بيتص على الراقصة اللي بقى منهم الاف - 00:05:10

اللي دخلها الشهري ممكن يبقى فوق السانوي. ممكن يبقى حوالي مية الف دولار. بيتص على الدنيا بعينين تانية. وطول ما هو قاعد على القهوة بيدأ التحطيم عشان كده درس الليلة صرخ التحذير. عشان كده انا باكلم الشباب اللي لسة في سانوي وجامعة. باقول لهم الدرس ده بتاعكم انتم. واعدادي، الدرس ده بتاع - 00:05:30

كنتم الدرس ده بيقول لكم انتم لسة قدامكم الفرصة واسعة. لو فهمتم الحياة صح. باكلم الشباب اللي من اتنين وعشرين لثلاثين. اللي قاعدين على القهاوي ماليين القهاوي حتى اهاليهم مش فاهمين الا بحاط اللي هم فيه. ومش فاهمين هم قعدوا على القهوة في عز شبابهم. وفي عز مراحل انجازهم في الحياة. ليه - 00:05:50

انا باقول للشباب دول كلهم ايه ؟ انا باقول للشباب دول كلهم احنا النهاردة هنصح اخطر مفهومين. المفهومين دول هم السبب في دمار حياة كتير من الشباب والمشاكل النفسية اللي دخلوا فيها. الدمار في بعض مستقبل شباب كتير. مهما صح مفاهيم تجاه نقطتين. الشغل والجواز - 00:06:10

الشغل والجواز دول نقطتين الشباب محتاجين تصحح مفاهيم فيهم. بكل ما نستطيع من قوة بازن الله سبحانه وتعالى. الدرس يا اخواننا اللي اتفرج على البرومو التمثيلي بنضحك وبنصور الشاب وهو رايح يقابل حماه. آآآ الدرس ما لوش دعوه بعنوانه. عنوانه ممكن يكون كوميدي - 00:06:30

انت بتشتري راجل الدرس ده عملي واقعي. الدرس ده لو انا قلت لك انه صرخة باصرخة من قلبي فيك يبقى انا ما ببالغش. الدرس ده عكس المتوقع ان داعية هييجي يقدر قدام الشباب هيكلهم يقول لهم ابشرتوا اصبروا لا الدين مش وظيفته انه يبقى مخدر يخدر الناس - 00:06:50

مش افيون شعوب يا جماعة. الدين سورة تصحيح. الدين ايقاظ. الدين وعي. عشان كدا الدرس دا ممكن تكون كتير منكم مش

متوقعين ان هتكلم مع بعض بالطريقة دي ولكن لازم نتكلم مع بعض بالطريقة دي. نبدأ الدرس من اللحظة الفاصلة. اللحظة اللي الشاب يروح بقلب اخضر - 00:07:10

وقلب بريء وهو فاكر الدنيا بمبكي يروح عشان يتقدم لعروسة وهو فاكر ان مؤهلاته من الحياة بدلته والهدية اللي هو داخل بها هذا اللي هو خدها والفاكر ان دي مقومات الحياة والعلاقات وانا محبوب جدا يا عمي. وانا الشباب اول ما يشوفوني بيطروا وانا لي - 00:07:30

مية وخمسين صديقة ده انا شخصية ده انا تنين. ده انا ما حصلتش فاكر ان دي مؤهلات الحياة. يدخل ياخد اسئلة صادمة الاستجواب ييجي يقعد الاب الاول مم ابني حبيبي. انت احنا اهم حاجة عندنا الاخلاق والدين يا ابني. احنا بنشتري راجل - 00:07:50

ولكن انت عارف الدنيا الايام دي فلازم برضو يعني نسأل كده زي الناس وفي النهاية يا ابني ما يهمناش غير الدين والاخلاق. وهو لا هيسأل بيصلي ولا لأ. ولا الشاب ده له علاقات محمرة قبل الجواز ولا لأ؟ انت يا ابني شقتك عندك شقة تملك ولا ايجار؟ في منطقة شعبية ولا في منطقة راقية؟ - 00:08:10

وزيفتك شغال بمربى قد ايه. مرتبك ده سابت ولا مش سابت؟ هتسافر برة ولا مش هتسافر برة؟ لو هتسافر هتسافر فين؟ وهتسافر وهتشتغل هتوودي بنتي معك فين يا ابني؟ العفش اللي هنطلبه منك. في خلال كم شهر هيكون جاهز معك. عشان انا جاهز احنا بنجهز البنت. بالنيش واللبس بتاعها - 00:08:30

والبنت دي في حضانة انت خلص المرحلة الاولى من الاستجواب يدخل في المرحلة الثانية لو اطمئن انت ابوك بيشتغل ايه ووالدتك وجدةك وجدتك واعمامك واخوالك وولادهم وولاد اخوالك وولاد اعمامك عايزيين نعرف هنناسب مين يا بني الوقت يا جماعة الشبكة معدتش دهب الشبكة بقت الماز دلوقي يا جماعة في قرية جنبنا بینا وبينها - 00:08:50

في المنصورة اتنين ثلاثة كيلو الشاب اللي مش هيأسفر ايطاليا ما حدش بيرضى يجوزه بنته. الوقت يا جماعة ما عدش حد بيقول هتجيبكم اوضة. هتجيب الاوضة من امكم - 00:09:10

هتجيب اجهزة ايه؟ لأن هتجيب الجهاز ماركة ايه؟ انا شفت النهاردة قايمة والله اقسم برب العزة انا باحسبها نكت حد بيهزэр. واحد قايمة قايمة عروسة انا باحسب ما اعرفش ان دي القايمة اللي الناس بتتمضي عليها اصلا. مش ممكن الفكر بتاعنا وصل كده! فيه ناس بتطلق عشان القايمة - 00:09:20

في ناس يعني واحدة متصلة باحد الدعاة لما قناعة فضائية بتقول له آآ جوز بنتي زعلها وغضبها خمستاشر يوم رحنا جينا بطجية سرقنا العفش اللي فيه اللي مكتوب في القايمة وبعد كده رفعنا عليه قضية عايزيين القايمة. هو حرام اللي عملناه ياشيخ ويجي البوليس ينزل العفش ويقف في الشارع. وتيجي العروسة تقول لأ ده - 00:09:40

الطعم ده كان تمن كوبائيات مش ستة بس. وممكن يتسجن فيها في النهاية. عشان القايمة. استنى يا ابني احنا مش ناس بتوع مشاكل. حبيبي احنا بنشتري راجل. بس خد بالك يا حبيبي ان انت بالزوق كله لما هتيجي تتقدم لها وتحطبه في حاجة اسمها العيدادات والخروجات والهدايا. الهدايا عروستي يا عمي طبعا يا حبيبي - 00:10:00

عروستك في العيد الصغير عيدية وفي العيد الكبير وفي عيد تحرير سينا واستنى يا ابني لازم ام العروسة في عيد الام كمان يجي لها هدية واحوات العروسة لازم عباية يا ابني - 00:10:20

يا ابني يا عمي يريد الله لكم اليسر. ولا يريدكم العسر. يقوم الرجال وتيجي المست بقى الام تقول له يا ابني احنا بنشتري راجل اهم حاجة الدين والاخلاق يا حبيبي. تعال بس يا حبيبي. ما انا عايزة اقول لك والله ما يهمنا شبكة يا ابني. شبكة ايه! ده بيتك يا ابني ودي مراتك. واحنا كل ده - 00:10:30

عشانك انت انما بنت خالتها جا لها الماز، واختتها جا لها شبكة بستين الف دهب. ترضي انك تكسر قلب حبيبتك اللي انت بتتحبها. وجاي والفرح يا ابني هيبيقى في فندق كم نجمة وهتجيب مين من المغنيين وهتقدم اوين بوفيه ولا مش اوين بوفيه. وعلى فكرة يا

ابني احنا ما يهمناش غير انك تبقى - 00:10:50

راجل واحنا بنشتري راجل بس السيرامييك بتاع الشقة عايزينه من النوع اللي بيعيش عشرين سنة وعايزين البش بانيو بقى عايزين شاربوكس بقى وعايزين انت عارف برضو البطاطين مليان بطانية خمستاشر كيلو دي! يا ابني ده كله لك وده بيتك وانت اللي هتدى في الشتا. والشتا بقى صعب. وعايزين برضوا حبيبي ستاير ستارة الشباك - 00:11:10

من ام عشر تلاف وستارة الشبايك الصغيرة من امه تختلف وعايزين الخشب اروزان عشان يعيش تلاتين سنة وعايزين حفيات الماني عشان تعيش خمسة وعشرين سنة وده كله بيتك يا حبيبي واهم حاجة حبيبي ان مامتك ما تتدخلش في حياة مراتك عشان تبقى الجوازة لزيزة ده انا - 00:11:30

جهز مراتك من اللي انت جاي تخطبها من وهي في الحضانة باجبيب لها النيش بتاعها. بعد كده يقوم الاتنين ويجي الاخت الفاضلة بقى اللي بقى لها خمستاشر سنة من بعد ما - 00:11:50

اتخرجت وهي قاعدة ترتب للقاء ده. اول ما سعيد الحظ هييجي يقعد جنبها. يا ترى يا ترى هي هتسأله فيه؟ حبيت قبل كده ولا لأ خطبتك قبل كده ولا لأ ؟ هتتجوز علي تاني ولا مش هتتجوز ؟ يخرج الشاب من اللقاء ده. يا اخواننا كلوا من طيبات ما رزقناكم ولا تطغوا فيه - 00:12:00

ولا تطغوا فيه. بلاش طغيان الاسراف في المباحثات. ليه الطغيان اللي بقى الناس فيه دا بالمنزد دا! شوار العروسة في الارياf خمستاشر عربية ربع نقل بينقلوا العفش بتاعها من بيت ابوها لبيتها. ليه يا اخوانا؟ لما زواجها يخرج الشاب لو هو شاب آآ - 00:12:20

مش كويش مش ملتزم يا عم آآ يا عم هو انا عايز ايه؟ متعة بيلاش موجودة لزة جماع وزنا بيلاش والعياز بالله واللي بالحرام هناخده اللي ما عرفناش هناخده بالحلال. لما دخلنا البيوت من ابوابها هناخده بالحرام من على الفيسبوك ومن - 00:12:40

العلاقات اللي هنعملها وهنعيش حياتنا. وكله بيلاش. لو هو انسان ما بيحبش البنت دي بلا جواز بلا هم. لو هو بيحبها هيخرج محطم وينضم لفريق القهاوي الاجتماعي ويقعد على القهوة محطم نفسيا وقاعد محروم قلبه على شبابه وعلى القهر اللي هو فيه - 00:13:00

ايه اللي وصلنا للنتيجة دي؟ انت عارف انت غلطتك ايه؟ انت عارف انت غلطت غلطتين. الغلطة الاولانية انك ما استعدتش للموقف ده. انك انت افتكرت وفي سانوي وفي جامعة - 00:13:20

ان الحياة باللذاظة والمشاويرو والفسح والواد الكون اللي طالع من الساحل الشمالي على شرم على مارينا. افتكرت ان الصيف مارينا. طلع الصيف شغل ان الموضوع استعداد. طلع ان انت لازم قبل ما تدخل بيوت الناس تكون مستعد وعارف انت هتتسأل في ايه. السبب الاول انك ما استعدتش. السبب الثاني انك - 00:13:30

ما اخترتش صح. الموضوع انك لازم تختار ناس تقدر كفاحك. تقدر تعيك. تقدر كبني ادم. مش تختار ناس كل تقليمها لك الفلوس وبس هم دول الحاجتين اللي احنا عايزين نصح المفاهيم فيهم. مفهوم الشغل انك ما استعدتش صح. ومفهوم استعد ازاي؟ ده انا طالب. طب تعال نتكلم ونفهم - 00:13:50

بقى. انا هاقول لك الكلام اللي عندي وانت حر. والمفهوم الثاني مفهوم الجواز انك ما اخترتش صح. انا هاديك الوقت يا اخواننا في مفهوم الشغل. انا عايز اقول لك بس - 00:14:10

انت لو عايز حالك يتغير كل شاب بيسمعني دلوقتي في اعدادي في سانوي في جامعة عايز ما يتتصدمش الصدمة دي. كل شاب محطم الوقت من اتنين وعشرين سنة لثلاثين سنة قاعد على - 00:14:20

اهو بيسمعني وعايز يخرج من القمقم اللي اتحبس فيه من الاحباط ده. كل شاب من الشباب عايز يتغير يصدقني في الروشة السباعية اللي انا هديها لكم في درس الليلة يا جامعة - 00:14:30

انا هديكم روشتة يعني انا انا عايز اسميها الروشتة السحرية للخروج من ازمة الاحباط بسبب ازمة الشباب في الجواز وفي الشغل.

الروشتة دي يا جماعة سبع ادوية بازن الله سبحانه وتعالى. الروشتة دي انا عايزك تركز معها جدا. لانك مش هتتعرف تطبقها غير لو
غيرت دماغك - 00:14:42

وعلى قد ما هتغیر دماغك على قد ما هتقدر تستفيد. من الروشتة دي. تعال ناخد السبع ادوية ونعرف الادوية بتعاتنا فيها ايه. الدوا
الاول في هزه انت دور على رزقك من بدري. دور على رزقك من بدري. يعني الشباب في مصر يا جماعة بيبدأ حياته العملية بعد سن
الخمسة وعشرين. بعد ما يتخرج ويقعد له سنة سنتين - 00:15:02

يبدأ بقى يشوف انا هشتغل ايه بقى انا هعمل سي في ايه انت يا ابني لما يروح يعمل انترناشيونال في آآ يعمل آآ آآ انترفيو في
الجروب شركة كبيرة ولا لما يروح يتقدم لعروسة يكتشف ان هو ما لوش قيمة في عملية في الحياة. يتقدم صدمة عمره. طب
وبعدين ما كنت تبدأ من بدري. انت عارفين - 00:15:22

انا عامل الدرس ده ليه؟ انا لي واحد صاحبي راح اتقدم لواحدة بيحبها بيحبها. ابوه قال له انت بتشتغل ايه؟ الولد خرج محطم
نفسيا. محطم والى الان محطم انا لي واحد اعرفه تاني صاحبي من اول ما اتقدم لواحدة كان بيحبها. وحصل الحوار بينه وبين اهلاها.
الى الان هزا الشاب على وشه اكتتاب - 00:15:42

رهيب انا اعرف شاب تالت ابن ناس اوسي يا جماعة. ولكن واتخرج ومعه شهادته ولكن هو بيشتغلش. عشان يتقدم لواحدة هو نفسه
انه يتجوزها من مستوى معين لازم يكون معه شغالانة معينة قاعد محطم. واعتقد ان هو كسر التلاتين او ما قرب من التلاتين الوقتي.
وقادع في نادي المحطمين نفسيا. في حين - 00:16:02

ان انا لي واحد حبيبي اعرفه. الشاب ده ابوه عمد كان عنده شركة بربعمية مليون جنيه. ربعمية مليون جنيه شركة هو مدير الشركة
وابوه واخوه ماسكين الشركة فالشاب اتخرج فجهه يشتغل اخوه قال له هتنزل تبقى مندوب مبيعات تلف وتوزع قال اهله اوزع ازاي
ده انا ده انا صاحب - 00:16:22

اركب. ده انا ابن صاحبها قال له هتنزل توزع لازم تبقى راجل. انا عايزك تفهم الشغل من الاول. انا عايزك تعرف الشغل من السلم من
تحت. الشاب ده فجأة ابوه مات. اخوه قاعد - 00:16:42

بعد اسبوع فجأة مات. فجأة الشاب بقى مدير وصاحب الشركة كلها. بيقول لي انا لو ما كنتش عملت كده وقبلت كلام اخويا. انا كنت
ضعت اشتغل نزل اشتغل وكافح رغم ان ابوه عنده ثروة طائلة. كنت قاعد مع راجل من الاتریاء بيقول لابني بدأ يلعب وبدأ يسهر وبدأ
يعيش حياته ويرجع لي صح - 00:16:52

بالليل ويشوح لي ويعللي صوته علي. قلت له انت هتشتغل. قال لي انا راجل. اشتغل ما اشتغلش ليه؟ بيقول رحت رميته في مزرعة
فراخ. في مكان في الغيطان الناموسة قد كده هو واروح له كل اسبوعين ها راجل ولا مش راجل! يقول لي راجل! من الآخر والدته
صعبه عليها! رحت جبته! بيقول لابني من يوميها - 00:17:12

راجل ما بيسهرش في الاجازة يجيب كذا الف جنيه يفضل يصرف على نفسه فيهم. في الدراسة بيقول لي بنتخرج قلت له اجوشك
ابوه راجل غني مش هتدفع لي مليم في جوازي. سافر اشتغل عشان يجوز نفسه. اتحول لراجل لما ابوه يشغله. عشان كده باقول
للباء اوعوا تقروا في وش - 00:17:32

لولادكم خلوا ولادكم يتعلموا الحياة. مين قال لكم ان الشغل الشغل تهزيق؟ مين قال لكم ان الاجازة معناها مارينا
والساحل الشمالي؟ الاجازة معناها شغل اكتساب خبرات وتنمية قدرات. الاجازة معناها انك تنزل ميدان الحياة تفهم الدنيا فيها ايه.
عشان كده باقول لك انت ممكن تستغرب مني هو فيه داعية - 00:17:52

كل الناس يشتغلوا في الدنيا ايوة يا ابني هقول لك الوقت الصحابة والنبي عليه الصلاة والسلام والعلماء من الامة كانوا بيعملوا ايه؟
عايشين كده يا جماعة لا لازم تشتغل من بدري. مش تبدأ حياتك وانت عندك خمسة وعشرين سنة. تبدأها من سانوي واعدادي
وجامعة. طب لو هجيب لكم الوقت الصحابة عملوا ايه؟ طب لو انا قلت لك الوقت - 00:18:12

ان انا خلاص عديت السن ده بقى لازم تاخذ القرار الجريء انك تعمل الخطوة السليمة النقطة الاولانية انك لازم تغير الصورة الذهنية

- اللي عندك عن الشغل. ازاي اغير الصورة الذهنية اللي عندى عن الشغل؟ ان الشغل مش عيب انك تنزل تستغل في اجازة مش عيب -

00:18:32

البطالة اللي احنا بنزعمها. الشباب المصري عايز البدلة - 48:18:00

الفترة والمكتب والعربية والتكييف ما ينفعش. ما ينفعش في بداية حياتك. انك انت توصل للقمة من البداية. عشان كده يا اخواننا اه يعني تعالوا نشوف الانبياء اشتغلوا ايه عشان ما نقولش ان الشغل عيب. ما نقولش ان الحرفة عيب. ما نقولش ان شغلك في الاجازة معناه ان ابوك ما عهوش فلوس. ده معناه ان ابوك راجل واعي - 00:19:08

معناه ان ابوک ما عهوش فلوس. ده معناه ان ابوک راجل واعی - 00:19:08

وان انت انسان عايز تنزل الدنيا وتكتشف خبراتها وتأخذ المرحلة الغلسة بتاعة بداية حياة اي شاب من الاول وانت صغير الدنيا مش هتفتح لك حضنها من اول الدنيا مش هتاخدك في حضنها من الاول. السعادة مش هتفتح لك ابوابها من الاول. التفاحة وقعت على راس مليون واحد. اشمعنى نيوتن - 00:19:28

راس ملیون واحد. اشمعنی نیوتن - 00:19:28

السيدة - 00:19:48
عمل قانون الجازية واكتشفوا بها الفرصة لا تأتي الا لمن يستحقها. سيدنا داود عليه الصلاة والسلام كان حداد. سيدنا زكريا كان نجار سيدنا نوح كان نجار وبني السفينة. سيدنا ادريس كان خياط. سيدنا محمد كان تاجر وكان راعي غنم. وكان رئيس مجلس ادارة شغل

السيدة - 00:19:48

عند خمسة وعشرين سنة. السن اللي شباب الامة دلوقتي بيبدأوا حياتهم عنده. سيدنا عيسى وسيدنا موسى كانوا رعاة غنم. ليه؟ متكبرين على ايه؟ ما حدش من الانبياء لبس البدلة والجرافتين وقال انا عايز شغل آآ على مكتب. الشغل بتاعتهم كله كان حرفيين.

طيب عشان رينا يقول لنا شرف المهنة. السلفة - 00:20:08

علماء السلف الكبار تمسك في العقيدة كتاب الله يجعزع كان بيعمل اللوالي عارفين اللوكوك الخف بتاع الرجل الامام احمد ابن حنبل وهو في اليمن بيطلب علم كان بيصنع الاساتيك بتاعة البناطيل. الالباني رحمه الله كان بيصلح ساعات. والشيخ حسن البنا رحمه الله. كان بيصلح ساعات - 00:20:28

الله. كان بيصلح ساعات - 00:20:28

العظام كان بيحضر - 00:20:48

العقلاء - العظام كان بيحصل 00:20:48

كان بيعمل اللي هو الجير والاسمنت والجاجات دي. الاجري بتاع الشريعة كتاب الشريعة في في الاعتقاد. الاجر كان بي العمل اجر اللي هو الطوب الني والجاجات الني زي ديت. البقلاني كان بيتجار في البقول الفول. يعني بتاع فول! البقلان التوحيدى كان بيتجار في التمور نوع - 00:21:08

التمور نوع - 00:21:08

فاريسي كان يشتغل خواص قالوا له - 00:21:28

فارس کان بیشتعل خواص قالوا له - 00:21:28

قال لهم احب ان اكسب من عمل يدي رغم راتبي. بياخذ راتب من دولة.انا لازم اكل من عمل ايدي. الله اكبر. سيدنا عمر كان يقول اني
لاري الفتى فيعجبني - 00:21:48

لاري الفتى فيعجبني - 00:21:48

يعجبني قوي الشاب كده فازا علمن انه لا حرفه له سقط من نظري. مين اللي قال ان الشغل عيب؟ مين اللي قال ده؟ ده قلة شغل عيب. ده قلة الشغل فضيحة يا اخواننا. يا اخواننا ابقوها سهيره صاحب النهضة سبب نهضة اليابان قدام العالم. لما اليابان بعتته ياخذ دكتوراه من - 00:21:58

دكتوراه من - 00:21:58

اوروبا خلع اللبس الدكتوراه ولبس العفريتة الزرقاء ونزل يشتغل في الورش لحد ما قدر يصنع المотор ولما صنع المotor كتب اول

مотор ميدين جبان وبعدها خد الدكتوراه. انتم عارفين وهو ده سبب نهضة اليابان كلها. في التقنية واحد كان فكره عملی. امريكا
دلوتي يا جماعة ما فيش حاجة اسمها - 00:22:18

شاب بيدخل جامعة. الشاب بيشتغل الاول لما ينجح في مجال يقوم يدخل الجامعة بتاعته عشان يحترف فيه. الدنيا ماشية بالطريقة
ديت. القرآن اللي اعرض نفسك على القرآن. القرآن هو ربنا بيقول امنوا وعملوا الصالحات. وربنا بيقول قم الليل الا قليلا. وربنا بيقول
قم فانذر. وربنا بيقول اقرأ باسم ربك - 00:22:38

هتجيب عينين من القرآن الشغل الدنيوي. انتم هتألفوا ولا ايه! هتجيبوا الشغل الدنيوي من القرآن للقرآن كله بيقول الصلاة والصوم
والسجود. والله طب خد عشر ايات دول. عد معى واحد فاذا قضيت الصلاة فانتشروا في الارض. وابتغوا من فضل الله - 00:22:58
انت شو في الارض؟ قوات الانتشار اللي بتتصدق تطوق البلد في عشر دقائق. انتشروا كل واحد يروح السفرة الدنيوية بتاعه. احنا
احنا الدين الوحيد اللي يوم العبادة بتاعه مش مرتبط بالاجازة. مين اللي قال ان يوم الجمعة اجازة؟ انتم عارفين النبي عليه الصلاة
والسلام عمل غسل الجمعة ليه؟ عشان الصحابة كانوا حرفيين. حرفيين. فكانوا - 00:23:18

بالنهار يوم الجمعة بيجوا المسجد عرقانيين. فالنبي سن غسل الجمعة عشان ما يجوش عرقانيين المسجد. يوم الجمعة عندنا مش كده
يا جماعة. مش فازا قضيت الصلاة فروحوا هاتوا السمك المشوي وروحوا كلوه وناموا لحد المغرب. فانتشروا في الارض. اتنين واصنع
الفلك باعيننا ووحينا. اصنع الفلك. يا رب كنت - 00:23:38

نزل له جبريل بسفينة. ده ربنا في اثار خلاه يزرع الشجر. وبعد كده ينحتوا ويعلموا سفينه. وبيني السفينه. ليه؟ اشتغل طب
دي مهنة دنيوية يا رب ما لهاش دعوة بالصوم والصلاه. كنت خلي سيدنا نوح يصوم ويصلي وجبريل ينزل له السفينه. اصنع الفلك.
ثلاثة انعمل سابغات - 00:23:58

وقدر في السرب. ربنا بيوصف القرآن لسيدنا داود طريقة عمل الدروع. سيدنا داود كان ملك.نبي ملك. ان النبي الله داود كان يأكل من
عمل يده بياكل من عمل ايده. دهنبي وملك ومجاهد ومؤسس امبراطوريةبني اسرائيل. في فلسطين وهو عنده واحد وتلاتين سنة
وشغال. وبيشتغل - 00:24:18

وبياكل من عمل ايده الایه دي فيها شيء رهيب يا جماعة. شوفوا ركزوا معى كده هتشوفوا في الایه دي حاجة جميلة اوبي. ربنا بيقول
لداود انعمل سابغات. اعمل يعني اشتغل في الدنيا. شغل دنيوي - 00:24:38
ان اعمل سابغات وقدر في السرد واعملوا صالحًا. اعملوا صالحًا ده العمل الآخروي. الایه ذكر فيها لفظ العمل مرتين. الاثنين بصيغة الامر
مر على العمل الدنيوي ومرة على العمل الآخروي ده الدين. هو ده الاسلام بتاعنا. اربعة اتوني زير الحديد. حتى اذا ساوي بين -
00:24:50

صفين كلاما قال انفخوا قالوا له ابن لنا سد وخد فلوس. قال لهم انتم تتابلة! انا مش هديكم سمك انا هعلمكم ازاي تصطادوا! تعالوا
اشتغلوا وشغلهم في الدنيا وحللهم مشاكلهم بشغلهم في الدنيا. من عمل ايديهم. يروى ان النبي عليه الصلاة والسلام لما شاف سعد بن
معاذ بيسلم عليه. فوجد يديه قد انجلتا - 00:25:10

ايدين سعد بن معاذ نشفة تخينه. فقال ما هذا يا سعد؟ فقال اعمل بالمسحال اطعم اولادي من نحيلي يا رسول الله عليه الصلاة
والسلام قال النبي صلى الله عليه وسلم هذان كفان يحبهما الله. هذان كفان يحبهما الله شغل. النبي عليه الصلاة والسلام معدى لها
عبدالله بن - 00:25:30

جبير اه عبدالله بن جعفر عبدالله بن جعفر ده طفل ابوه اتقتل في غزوة موتة طفل صغير. فالاب السوق بيع وبيشتري. فقال اللهم
بارك له في النبي بيشجع طفل عشان لما اقول لكم اعدادي يشتغلوا في الاجازة ما تقوليش لا. بيشجع الطفل ومش بيقول اللهم بارك
ايه في صفتته. يعني كان النبي عليه - 00:25:50

كان بيقول له انت راجل اعمال اصل كلمة الصفقات تبني مع رجال الاعمال. وهو لسة طفل صغير بيع ايه يعني! كان ده بيشجعه! كان
ده بيسخنه! انت بكرة هتكبرا! وقت - 00:26:10

ده راجل اعمال كبير النبي عليه الصلاة والسلام اتونی زبر الحديد. خمسة اموالكم التي جعل الله لكم قياما. ايه! ربنا بيقول لك الفلوس عمود فقري. قياما دي ما جتش في القرآن غير مرتين. مع الفلوس اموالكم التي - 00:26:20

جعل الله لكم قياما يعني عمود فقري. والثانية مع الكعبة جعل الله الكعبة البيت الحرام قياما. ليه؟ لأن من غير الكعبة الدين ينهاز ومن غير الفلوس الدنيا تنهار. ايه يا جماعة الواقعية دي! ايه يا اخوانا ده! ستة واخرون يضربون في الارض بيتغدون من فضل الله وآخرون - 00:26:37

يعني ربنا بيقول من اعذار اه قلة قيام الليل الناس اللي بتشتغل في الدنيا. وجابهم قبل اللي بيجهدوا في سبيل الله. لأنك مش هتعرف تتطلق في الدين والجهاد لو عندك شذوذ ونقص في دينتك. صلح النقص اللي في دينتك تبقى من اهل استرضاء الله لو انت نيتك حسنة. سبعة - 00:26:57

يعملون في البحر فاردت ان اعييها. مساكين واما السفينة فكانت لمساكين يعملون في البحر. لما اشتغلوا عشان يسعوا على رزقهم ربنا بعث لهم الخبر يحل لهم مشكلتهم. يعني اهل الكرامة على الله. وهم بيشتغلوا - 00:27:17

تمانية تمانية على ان تأجرنى ثماني حجج. سيدنا موسى اشتغل اجير عشر سنين عشان يدفع مهر اشتغل يا ابني عبدالرحمن ابن عوف ما تجوزش غير بعد ما اشتغل بعد الهجرة. اشتغل وكسب فلوس هتدخل لابو بنت. تقول له انت بتشتري راجل يا عمي! فين - 00:27:34

شغلك فين ايديك اللي امجلت فين الكفين اللي يحبهم الله فين كفاحك وصمودك فين ثمرتك انت؟ انت عارف لو واحد جوزك بنته قبل ما تشتغل والله ده بيضيعك. آانا اعرف ناس اشتغلن آآاتجوزوا من يعني حماهم وافق عليهم من غير شغل. ضاعت حياتهم كلها - 00:27:54

لان الجواز ده دافع ان الانسان يشتغل ويكافح. لو الانسان ما اتغيرش وبقى انسان جد عشان يتجوز. خلاص ما عدش فيه دافع. تسعه واجعلنا طهارة معاشا. هو ده وزيفة النهار. الناس تشتغل وتسعى على معيشتها واستعمركم فيها. يعني طلب انكم تعمروا الارض. عشرة - 00:28:14

امشو في مناكبها وكلوا من رزقه. امشوا كلوا فعل امر. فين بقى الكلام ده؟ انا بقول لك هو ده كلام ربنا يا اخواننا. كلام النبي عليه الصلاة والسلام اذا قامت القيمة - 00:28:34

عمل ايه يا رسول الله؟ وفي يد احدهم فسيلة. انت بتزرع في الغيط ومعك اسئلة فان استطعت الا تقوم الا وقد غرستها فيلغرسها الله اكبر ده ديننا. قال رسول الله صلى الله عليه وسلم ما من مسلم يغرس غرسا او يزرع زرعا فيأكل منه انسان او بهيمة او طير - 00:28:44

الا كانت له صدقة. ايه يا اخواننا ده سلمان الفارسي يشتغل خواص وهو امير. يقول لك اكل من عمل ايدج. اكل من عمل ايد. قضية خطيرة جدا. قضية كبيرة جدا - 00:29:04

لازم نفهمها. النبي عليه الصلاة والسلام يقول اليد العليا خير من اليد السفلة. اليد العليا لازم تبقى ايد عليا. اللي بتدي مش اللي بتاخذ مش اللي قاعد ياخذ من ابوه في اعدادي وسانوي - 00:29:14

مصروف عيب يا ابني. اشتغل في الاجازة واصرف على دراستك من نفسك. عشان تبقى راجل. عشان تبقىبني ادم عشان كده يا اخواننا وانا بكلكم في نقطة الشغل النقطة الخطيرة بتاعة الشغل. انا عايز اقول لك الوقتي بعد ما - 00:29:24

كل اللي فات ده كنت عايز اقول لك غير صورتك الزهنية عن الشغل. غير الصورة الزهنية. الشغل مش عيب. صحابي جاي للنبي عليه الصلاة والسلام. يا رسول الله ما عبيش فلوس. قال له - 00:29:54

مازا في بيتك؟ قال له حلس وعقب سجادة كوز بناكله نشرب فيه مایة وسجادة بنام عليها. قال له ائتنى بهما اقتلي جابهم. من يشتري هذا؟ صحابي قال لي اشتروهم بدرهم يا رسول الله. ما لهمش قيمة. بس الصحابة بيساعدوهم ساعة ضمنية. دراهم. من يشتري بازيد؟ واحد قال له درهمين - 00:30:04

هات خد قال له خد الدرهمين رح بدرهم اكل اهلك. ورح بدرهم اشتري قادوم واتني به. جاب القادوم فشد رسول الله صلى الله عليه وسلم فيه عودا بيده. النبي بي ساعده في صناعة الفاس اللي هيروح يحتطب به. اذهب فاحتطب. ولا تأتأني قبل خمسة عشر يوما. ما تجييليش قبل خمسة عشر يوم - 00:30:24

الراجل جه معه فلوس ومعه اكل وكسب هو ده يا اخواننا. النبي عليه الصلاة والسلام بيقول لك اشتغل الشغل مش عيب. الشغل ليس عيبا تبقى غير الصورة الزهنية اللي عندك عن الشغل. الشغل شرف. الحاجة الثانية اعرف سمار الشغل ايه. اعرفوا يا جماعة الشغل ثماره ايه. اول حاجة سواب الشغل. يعني - 00:30:44

بسبيب الشغل. مش سواب قيام الليل وسواب الصلاة والصيام. سواب الشغل. ايه سواب الشغل ده؟ هو الشغل الدنيوي له سواب؟ قال رسول الله صلى الله عليه وسلم ان خرج ان كان خرج يسعى على عيال صغار له فهو في سبيل الله. سبيل الله يعني جهاد. وان كان خرج يسعى على ابوين شيخين كبيرين - 00:31:04

فهو في سبيل الله. وان كان خرج يسعى على نفسه يعفها. بيدور على الجواز فهو في سبيل الله. مجاهد مين الوحيد اللي رفع العمل الدنيوي لمرتبة الجهاد والاسلام ليه ؟ لأن لو سينا الدنيا للعصاة هيضيعوها وهم بيمنوها ويملوها معاصي زي الوقت كده - 00:31:24
لو كان الملتزمين هم اللي بنوا الساحل الشمالي. لو كان الملتزمين هم اللي بنوا شرم الشيخ ومارينا وجولف. لو كان الملتزمين هم اللي بنوا المولات الكبرى بتاعة القاهرة وبتاعة دبي كانت بقت مليانة معاصي كده كانت بقت مليانة فساد كده سيناها للعصاة. ضيعونا بعد كده عشان كده ده جهاد. في سبيل الله. في - 00:31:44

الادب المفرد للبخاري اثر عن عبدالله بن عمرو بن العاص اثر خطير في مصر بيكلم واحد مصرى والحدى حسن. حدیس حسن.
فيبيقول له اي عمل عمالك؟ بيكلم واحد غنى عنده زي شركة او مصنع فيبيقول له هو اللي شغالين معك مش شغالين يعني دلوقتي ؟ قال له لا اعلم - 00:32:04

اصل انا مش شغال معهم. انا سبت لهم خلاص الشركة بقى يشتغلوا فيها وانا راجل باشا. خلاص متفرغ انا بقى لدیني ولأموري ولحياتي. فقال اذا احدهكم مع عماله في ماله. بيقول لهم لو واحد منكم غنى عنده شركة او مصنع او محل. وفضل بعد ما اغتنى
يشتغل - 00:32:21

بایديه مع العمال. يشتغل بایديه مع الاجراء في الارض. يشتغل بایديه مع العمال في المصنع. فانما هو منه عمال الله ايه ؟ عبدالله بن عمرو بن العاص في صحيح الادب المفرد للبخاري. في الادب المفرد للبخاري. بيقول اللي يشتغل بایديه بعد ما يختنى فانما هو - 00:32:41

ومن عمال الله ايه يا اخوانا ده! ايه الكلام العظيم ده! النبي عليه الصلاة والسلام يقول للصحابة لان يخرج احدكم بحبه ياخذ فيأتي بحزمة حطب على ظهره. النبي بيوصف المنذر. يعني النقط المهيئنة. يعني النقط اللي الناس مش عايزة. جاي بقى شايل - 00:33:01
الحطب حزمة الحطب قدام الناس على ظهرى. فيبيبعها. يقف قدام الناس بيبيعها كده فيكف الله بها وجهه. ما عدش حد يكسفه. ما عدش واحد حد يقول له يا ابني ما عندناش بنات للجواز. ما عدش حد يطرده. خير له. خير له من ان يسأل الناس. خير. يا رسول الله ده تهزيق وقلة قيمة - 00:33:21

كل الناس الهاي ستاندرد مش هيرضوا يجوزوه بناتهم خير له. ده كله خير. بس احنا نغير فكرنا. بقى ازا يا اخواننا اول حاجة سواب الشغل. الشغل جهاد في سبيل الله. الشغل انت بتبقى من عمال الله. لو انت فعلنا اغناك وفضلت تشتل. الشغل ده سواب كبير جدا. البطالة دي ام الجرائم - 00:33:41

مبصيبة انا كل الجولات اللي بنزلها تقريبا. الشباب بيصوت من الفراغ. طب يا ابني ما تنزل تشتل لما انت ما وراكش حاجة. الفراغ عشان كده الشاب اللي انا بدأت به اللي قتل جارته بعد ما اتفرج على كلبي ده فراغ يا جماعة. ده فراغ - 00:34:01
سيدنا عمر ابن الخطاب ابو محجن الثقفي قعد يشرب خمرة. يشرب خمرة. بعاته في القادسية مع سعد ابن ابي وقاص. تاب امته؟ اما شغله بحاجة. عشان كده احد الولاة بعثت لعم بن الخطاب قال له الشباب عندنا ما بيشتغلوش. قال ما فيش شغل فيه بطالة. قال له

اجعلهم يحفرون نهرا ثم يردموه - 00:34:16

وظف طاقتهم. عشان كده العلماء قالوا سبب فتنة مقتل سيدنا عثمان. ان الجهاد وقف لمدة كذا سنة فالناس فضت. فما عدش فيه شغل. فلما الناس حصلت هزه الفتنة العميماء الفراغ صعب. يا جماعة من الاحاديس اللي بتذهل الواحد. النبي عليه الصلاة والسلام لما راح المدينة فالانصار راحوا له قالوا له يا رسول الله - 00:34:36

نسم النخيل بيننا وبين اخواننا المهاجرين. يا رسول الله احنا هنقسم ملكية اراضي المدينة بينما وبين المهاجرين. النبي عليه الصلاة والسلام قال لهم ايه ؟ قال لا ابدا لأ ليه ؟ قالوا له طب يا رسول الله فضل لحد ما قالوا له يا رسول الله يشتغلوا اجراء في الارض يشيلوا لنا الارض وفي الآخر نسم الريح بالنص بينما وبينهم. النبي عليه الصلاة والسلام - 00:34:56

قلت له ماشي. خلاص. انما ان انت باسم الكفالة طالب علم ولا لم يزهر نبوغه ولا واحد اشتغل في الدعوة لم يصدر نبوغه. هنكلله هنكلله قولوا ان شاء الله هينام بعد الفجر يصحى العصر. وان شاء الله بازن الله مش هينزل عشر المجهود. اللي كان بينزله لأ ينزل يشتغل. ويكسب من عمل اليه. وايديه دي تبقى - 00:35:16

التقديم طاهرة. وزي ما النبي عليه الصلاة والسلام قال اطيب الكسب ما كان من عمل اليه. اطيب الكسب. اطيب جنبيه ربنا بيارك لك في صحتك لما تأكل منه. وبيارك لك في - 00:35:36

صحة ولادك لما يدخل جسمهم اللي انت عرقت فيه. اللي انت جه من كسب ايدك. هو ده اطيب الكسب. يبقى قضية خطيرة جدا يا اخواننا قضية ان الفراغ دي بتضيع. اللي اتعلم من النبي مين عبدالرحمن بن عوف؟ جه سعد بن الربيع اول ما هاجر عبدالرحمن بن عوف ما عهوش فلوس خالص. قال له بص بقى انا اغنى واحد في المدينة - 00:35:46

هاقسم المال بيني وبينك ده حته صفة. ده خبطه عمر للشاب اللي اسمه عبدالرحمن ابن عوف. قال له انا متجوز اتنين اكتر واغنى واحد. يقينا متجوز اتنين زي القمر يعني - 00:36:06

يعني يقينا واحد مليونير هيبقى متجوز عروستين جميلين جدا. غالبا يعني طبعا ده رزق ونصيب يعني. مش عايزين حد يضحك اسجد نظيف فقال له شف اجمل واحدة فيهم اطلقها لك يا نهار ابيض! عروسة زي القمر! وابقى مليونير في لحظة! قال له لا - 00:36:16

ولكن دلوني على سوق المدينة. راح اشتغل وكسب. شوية والنبي لقاو رجع عليه بشاشة كده. يعني باشا كده بقى ولبس جميل ومصرح وخاصة كده بقى ايه بيلمع كده. النبي عليه الصلاة والسلام بيسأله في ايه؟ فقال تزوجت يا رسول الله على نواة من ذهب - 00:36:36

اديتها دهب المهر بتاعها. اشتغل وحل مشكلته. مش راح يقف على بيوت الناس جوزني بنتك يا عمي. طب اجوزك بنتي يايه؟ طب بنتي دي لما هتيجي معك؟ يعني يا ابني ما يعني هو الدنيا مش كده يا ابني. يعني القضية يا جماعة ان سبحان الله العظيم لازم لازم تفكير. انت لازم تغير تفكيرك - 00:36:56

لازم تغير تفكيرك لأن الفراغ مدمر. الفراغ مدمر. عشان كده الاسلام حت على التجارة حت عظيم. انت متخيلين التجارة يعني انا متخيل كده لما عبدالرحمن بن عوف بيقول دلوني على سوق المدينة. كلمة الزم السوق. لو انت سمعت واحد بيقول واحد الزم السوق. ده بالتأكيد - 00:37:16

الدنيوي جدا. انت عارف الزم السوق دي انا لقيتها نصيحة مبين لمين؟ واحد دا صحة الامام احمد ابن حنبل لواحد من من الناس يعني المستريحة ماديا. اتنين نفس النص نصيحة ابو قلابة من اصحاب النبي رضي الله عنه. لايوب السختياني من اكبر علماء الامة. واكبر من صار على نهج السلف. والله حسيبيه - 00:37:36

الزم السوق عشان تأكل حلال. وعشان تقدر تخدم دينك وتخدم دعوتك عبدالرحمن بن عوف. خدم الدين قد ايه؟ عشان كده النبي عليه الصلاة والسلام لما سافر المدينة حديث في المعجز - 00:37:56 الاكبر للطبراني. وان كان الالباني يعني ذكر ان فيه ضعف للامانة العلمية. الحديث ان النبي عليه الصلاة والسلام لما راح المدينة بنى

سوق جديدة. ليه؟ يعني النبي لما راح المدينة - 00:38:06

ده عمل حاجتين بنى مسجد وبنى سوق. بنى مسجد للعبادة والصلة وبنى سوق للتجارة. والقوة المادية. اخوانا ده الدين. الدين مش دروشة التجار نشروا الدعوة في الارض في تاريخ الاسلام اكتر ما الدعاة نشروا الدعوة في الارض. سيدنا ابو بكر الصديق النبي عليه الصلاة والسلام بيقول ما نفعني مال ما نفعني مال ابو بكر - 00:38:16

عثمان ابن عفان انهى سيطرة اليهود على الماء في المدينة واشتري بئر روما. العشرة المبشرين بالجنة معظمهم كانوا رجال اعمال. ورؤى ان ابو بكر الصديق كان بيصافر في تجارة وسافر الى بشرى في حياة النبي عليه الصلاة والسلام. عايزين نقول ايه؟ عايزين نقول ان الدين مش اللي انتم فاهمنه يا شباب.انا الكلام اللي انا باقوله ده نفسى اديه خطاب جمعة - 00:38:36
والله يا اخواني انا اجي ناوي ان انا انزل على القهاوى اكلم الشباب فيه. يا اخوانا الدين بيقول لك خد بالاسباب. سيدة مريم بتموت بعد الولادة ربنا بيقول لها هزي اليك بجزع - 00:38:56

مش قادرة وميin قال لك ان انا هاديكي على قدرتك بس اشتغلني. وانا رايح العمرة اللي فاتت فانا رايح بقى رايح جاي لك يا رب. ويعنى مش مرتب اسباب فحصل لي بعض موقف كده صعبة فافتكرت قول الله وتزودوا قلت يا رب اكتر رحلة الواحد جاي لك انت فيها وسايب الدنيا بتقول له وتزودوا ده الدين يا جماعة - 00:39:06

لو مصر لعبت اسرائيل ماتش كورة. مصر المسلمين ناموا واليهود قعدوا يستعدوا ليل نهار. اللي هيكسب اليهود. ربنا قال على الارض سوا للسائلين. يعني الفلاح الكافر لو عزق في الارض مش هتقول له لأ انت كافر. والمسلم تقول له انت مسلم انا هاطلع لك سوا للسائلين اللي عايز يتقدم وينهض الارض بتعامل - 00:39:26

على الناس سوا مسلم وكافر. هي كده ربنا مطر على سيدنا ايوب السما دهب بعد ما قال له ارقد برجلك عشان يروق. طب يا رب الاول كنت اروق من غير اسباب لا انا اقدر امطر عليكم السما دهب يا شباب. الله قادر ولكن الاول ارقدوا برجلكم. ولكن الاول انزل في ارض الواقع - 00:39:47

الحياة مش هتفتح لكم احضانها. كده من غير تمن ومن غير ومن غير كفاح. يبقى عشان كده زو القرنين اتبع سببا. ثم اتبع سببا لازم الاخر اسباب هو ده دين ربنا يبقى النقطة اللي فاتت دي كلها كنا بنتكلم في العلاج الاول في الروشتة السباعية كده احنا فات كده ايه خمس دقائق او عشر دقائق يبقى العلاج - 00:40:07

التاج الاول في الخطة السباعية وهو ايه دور على رزقك من بدري. انزل من بدري. انزل ابدأوا اشتغلوا في الاجازات في اعدادي سانوي وجامعة الاجازة مش عشان مارينا والساحل الشمالي. الاجازة عشان الشغل. طيب العلاج الثاني العلاج الثاني في الروشتة السحرية الروشتة السباعية. العلاج - 00:40:27

الثاني يا جماعة طاعة الله اه ده بقى لازم يحط حته وعظية بقى ما هو برضه ايه يعني هو هو راجل متدين بقى ان شاء الله راجل بيكلمنا في الدين قعد يكلمنا عن الشغل كتير. مش هينفع يقوم جاي في الآخر كده بقى ويقوم قايل لنا ايه ويقوم قايل لنا الشغل من غير ما يتكلم في الدين لازم حته دين. والله يا اخوانا ما هي الموضوع كده - 00:40:47

اقسم برب العزة الدين له تأسير جبار في الدنيا. يا اخوانا احنا المفروض بنرزق بالدعاء والبكاء. يا جماعة الانسان الملائم ده لو حط ايده في الصحراء تخضر. عبدالرحمن ابن عوف رايح المدينة ما عهوش مليم. بيقول لما تاجر وهو على طاعة الله بيقول - 00:41:07
ضمنت اني لو رفعت حجرًا لوجدت تحته ذهبا. يعني ربنا فتح عليه اوي في الدنيا. ربنا فتح عليه قوي. عبدالرحمن بن عوف رضي الله عنه لما السيدة عائشة قالت له ان الاغنياء بيدخلوا الجنة بعد القراء زعل. قال لها وماذا افعل يا ام المؤمنين؟ اذا كنت انفق مائة فيخالف الله علي الفا. مش عارف افتقر - 00:41:27

يا اخوانا الانسان اللي مع ربنا ده لما بيقف يتوضأ ويصلّي ويعطي لربنا. ربنا بيغير له كل حاجة في الدنيا. انا انا اقسم بالله ان لو دخل الدين في حياتك. ان لو دخل النص ساعة اللي قبل الفجر في حياتك. قيام الليل. ان لو دخل الدعاء والبكاء والدعاء - 00:41:48
الى الله بطلب الرزق في حياتك. وانت مطبيع لله وملتزم ربنا هيغير لك كل حاجة في حياتك. دخول ربنا في حياتك. اعظم من دخول

مليار دولار طرف حياتك. اسمع معي كده بقلبك. ومن يتق الله. واحد يجعل له مخرجا. ما فيش شغل. ما فيش وظايف. البلد مقفلة -

00:42:08

سولار مول. الجنبي المصري بقى سعره زيه سعر ورق الجرائد. الدنيا ضايعة. يجعل له مخرجا. ما فيش وظايف اجعل له مخرجا. ما حدش راضي يجوز شاب بنته وما معناش فلوس يجعل له مخرجا. ما فيش جواز يجعل له مخرجا. اتنين -

00:42:28

وييرزقه من حيث لا يحتسب. طب اجيب منين؟ طب ازاي؟ طب من حيس لا يحتسب ثلاثة ومن يتوكل على الله فهو حسبة فهو مش قريبك اللوا ولا قربيك لو ابوك كان طلع رئيس مجلس ادارة شركة كبيرة كان زمانك باشا. فهو حسبة ربنا بنفسه هو اللي هييقى -

00:42:48

في الحياة. اربعة ان الله بالغ امره. انت لك احلام كتير مش عارف توصل لها. ولكن ربنا بالغ امري. ربنا يقدر يبلغها لك يأتي بها الله. ربنا يقدر يجيئ لك احلامك كلها. خمسة قد جعل الله لكل شيء قدرًا. اوعى تفتكر ان اسباب الدنيا ووظايف -

00:43:08

دنيا ووصاية الدنيا وشهادات الدنيا اسباب. دي اسباب الارض انما اسباب السماء وقدرة الله اعظم مليار مرة وازيد من اسباب خمس حاجات ربنا بيقول للشاب اللي هيتفقى ربنا للبنت اللي هتتفقى ربنا خمس وعود من الله. مين مصدق ربنا يا اخوان؟ قال رسول الله -

00:43:28

صلى الله عليه وسلم. ثلاثة حق على الله عنهم. حق على الله عنهم. منهم. المتزوج يريد العفاف او الناكح. يريد العفاف ربنا يعينك.

بس قم اشتغل. ربنا هيعينك بس قم. يبقى الدواء الثاني طاعة الله. الدواء الثالث في الروشنة السبعية -

00:43:48

احذر من مدمرات المستقبل. احزر من الحلول المدمرة. تتغفل. تلاقي الدنيا ضاقت في وشك. طب اكل منين؟ طب اشرب ساعات الشباب يا بيقعد يفكر لحد ما يحس ان الدنيا اتفقلت في وشه. ممكن الشاب ما يعرفش ينام غير بمهدئات. طب وهتشتغل ازاي؟ طب اتجوز ازاي؟ طب انا هفضل قاعد على القهوة لحد امتى؟ الحل -

00:44:08

واحد تلت يفط مخطوطين قدامك كل يافطة عليها عضمتين وججمحة. احزر انك تدخل في التلات طرق دول. احزر من الحلول المدمرة لما تحس بازمة الرزق في الواقع و هتجوز ازاي ؟ و هيشتغل ازاي ؟ العلامة الاولى العضمتين والجمجمة احزر من المال الحرام. احزر آآ واحدة -

00:44:28

اخت كانت يعني واحدة اه كانت اتيليه بقى وفساتين عارية اتصلت بنا. حرام ولا حلال؟ قلنا لها يعني الشغلة ديت لان البنات بتاخدها عاري تلبس لبس عاري قدام الشباب. سابتها بقى لها خمس سنين ما انجبتش. رزقت الانجذاب بعدها على طول بفضل ومنة الله. سبحانه وتعالى. يا اخواننا الله قادر -

00:44:48

ممکن المال الحرام ده هو سبب منع الرزق. مش هو سبب الرزق اصلا. المال الحرام ده سبب منع اجابة الدعاء. ومطعمه حرام ومشربه حرام. وغذي بالحرام فاني يستجاب له؟ اطب يا سعد اطيب مطعمك تكون مستجاب الدعاء. المال الحرام ده سبب لمنع قبول الصلاة. ابن عباس رضي الله عنه يقول -

00:45:08

ما ان الله لا يقبل صلاة وفي الجوف حرام حتى يتوب الى الله عز وجل. منع لقبول الدعاء منع لقبول الصلاة منع لقبول العمل كله. يا ايها الرسل اعملوا يا ايها الرسل كلوا من الطيبات. اتنين واعملوا صالحا. الاول مال حرام. الطاقة اللي -

00:45:28

تبغض من جسمك تعبد بها ربنا لازم تكون من مال حلال الاول عشان ربنا يقبله يا اخواننا من الاحاديس المرعبة. حديث لما واحد من الناس اللي كانت مع النبي عليه الصلاة والسلام اقتل في معركة في الصحابة قالوا هنينا له الشهادة. هنئنا له الجنة. قال النبي صلى الله عليه وسلم كلا -

00:45:48

ان الشملة التي غلها سرق سرق حته قماشة كده من الغنائم. حتة مال حرام. لتلتهب عليه في قبره نارا مولع عليه بسبب المال الحرام.

الحرمان من دخول الجنة بسبب المال الحرام. قال رسول الله صلى الله عليه وسلم لا يدخل الجنة جسد غذى بالحرام -

00:46:04

قضية خطيرة جدا يا اخواننا. قضية ان الشاب عايز يهرب من ضيق الدنيا يوقع نفسه في ضيق الاخرة. يا ابني ده الحجر بيسقط في جهنم بيأخذ سبعين سنة. اما يصل في -

00:46:24

حجر واحد عارف يعني ايه سبعين سنة؟ عارف يعني ايه عمها سبعين سنة؟ يعني واحد اتولد وكبر ودخل اعدادي وسانوي وجامعة واتخرج واتجوز وخلف وكبر وبقى راجل عجوز وولاده اتجوزوا وخلفوا وكبروا ودخلوا جامعة ومات. سبعين سنة. ده الحجر ما وصلش لقاء جهنم. يعني الحرب العالمية الاولى والثانية وثمانية واربعين وستة - 00:46:34

وخمسين وسبعة وستين واحنا على مشارف ثلاثة وسبعين مات. الحجر ما يوصلش ويوصل سبعين سنة. بقى ما تفرش من ضيق الدنيا لضيق الدنيا والآخرة. اتق ربنا واحد صاحبى بيقول لي كان له قربى بيسلف بالربا. قال لي بعد ما مات جا لي في الرؤبة بيصرخ بيقول انقزوني من العذاب اللي انا فيه - 00:46:54

انقزوبي هينقزوك هيعلموا لك ايه؟ ما انت اللي كنت بتعامل بالربا والعياذ بالله. بقى اذا احذر من المال الحرام. العالمة الجمجمة الثانية العضمتين الجمجمة الثانية احذر من فكر هكونا مطاطا. ايه هاكونا مطاطا ده اضرتها طبنجة. احذر من فكر طنش تعش تتنعش - 00:47:14

احذر من فكر بلا جواز بلا هم. لا. انت كده بتنسحب من لعبة الحياة. انت كده بتهرب. اووعى تفتكر بقى ان انت الشاب المهييس بقى اللي قاعد على يا عم بنات ايه طز في البنات! يا عم بلا جواز بلا قرف! يا عمي ان شاء الله رزقك جاي لك. انت فاكر ان انت كده الواد الكل بقى اللي مش هامه - 00:47:34

والواد بقى اللي نفسيته عالية واكب من ان الحياة تأسف فيه. انت كده بتهرب من مواجهة مشاكلك. انزل في ارض الواقع وواجه مشاكلك. فكر طنش تنتهش ده ده له مكانه. شل البلف ده له مكانه. بيبقى حلو مع اللي بيشتغل بقى بعد ما يشتغل نقول له شل البلف. انما يشيل البلف وهو صفر في الحياة ما ينفعش - 00:47:54

الجمجمة الثالثة والغضتين الثالثتين قدام فكرة عقد عمل يابا خمسين الف جنيه بسرعة التأشيرة بخمسة عشر الف ريال يسافر الكفيل يقول له ما اعرفهاش يقعد هناك انا في شباب هناك قاعدين يكلموا البنات على الفيس دلوقتي في السعودية. ليه؟ لانه راح ما لقاش شغل اصلا. بيبقى قبل ما نسافر يا اخوانا عقود العمل دي حل - 00:48:14

مسلا اتنين في المية من الشباب بس. تمانية وتسعين في المية من اللي بيسافروا ده مش حل له. ليه؟ اول حاجة هتسافر تعمل ايه؟ تاني حاجة لازم تسأل نفسك سؤال قبل ما تساfer - 00:48:34

اووعى تساfer. انت الوقتي اجلا او عاجلا هيطردوك من بلدكم. هم بيمصوا شبابك ويسيبوك. مش مش وفاء وبرا يعني هيسيبوك راجل كبير عجوز هناك. وانت عندك اربعين خمسة واربعين سنة يقول لك بالسلامة. ده ده الاصل الكاسح هترجع تعمل ايه؟ هتفق في محل بتنمية جنيه ولا كان الوقتي وانت شاب - 00:48:44

صغير تقف عشان لما بيبقى عندك اربعين سنة تبقى لك دخل بحق و حقيقي. بيبقى فوق. فوق واحسبيها. صح احذر من الحلول المدمرة الدواء الرابع في الروشتة وده يا اخوانا اخطر نقطة. اخطر نقطة جديدة في هزة الروشتة - 00:49:04

اقبل المرحلة الانتقالية. يعني ايه اقبل المرحلة الانتقالية؟ اهي دي بقى دي اخطر نقطة عملية في الكلام. ليه؟ لان الشاب هيقول لي بص انا حقي ان انا اطلب تلات حاجات في في الشغل بتاعي. انا عايز شغل آآآ يكون مريح ويكون حال طبعا لان انا راجل متدين برضو. ويكون آآآ باحبه ومحترم - 00:49:22

جميل. ولكن انا عايز اقول لك حاجة. الكلام ده مستحيل تلاقيه وانت الوقتي متخرج. ليه؟ الكلام ده يعني انا يعني فيه واحد اعرفه حبيبي بيقول لي انا وصلت للمعادلة دي - 00:49:42

بعد عشرين سنة اشتغل خمسة وعشرين شغالانة على ما وصل للمعادلة دي. بيبقى مش سهلة. طب الحل ايه؟ الحل انك تقبل المتأخر قدامك. يا دي المصيبة. لا حمايا هيرضى يجوزني - 00:49:52

لو قلت لي انا بشتغل اي شغالانة. ولا امي وابويا هيسيبوني. ولا اصحابي هيرحموني من التريقة. طب بس استنى بس. هقول لك بس حاجة يا حبيبي. شباب مصر وشباب الامة كلها تلات انواع - 00:50:02

الفقير اللي داق الفقر اوبي. فمستعد يشتغل اي حرف. حتى لو هيشتغل يسوق عربية حرف شريفة عزيمة. احنا جبنا حرف الانبياء

دلوقتني بيكتب سنت سبع تمن تلاف جنبيه في الشهر وبasher. وعايش. بفضل الله وبيتجوز بدرى وكل حاجة. وشباب الطبقة الغنية اللي ابوه اصلا عاين له وظيفة في اكبر شركة - [00:50:12](#)

عنه وسايطة ومتعلم تعليم امريكاني والشركات كلها عايزة اصلا. ما عندوش مشكلة. المصيبة فين؟ تمانين في المية من الشعب شباب الطبقة المتوسطة. اللي لا راضي يشتغل بتاعة الفقير ولا عنده امكانيات انه يتعمق في الشركات الكبيرة بتاعة الاغنيا. ده بقى اللي بيقع في المصيبة ويقع في انت بتشتري راجل الازمة النفسية - [00:50:32](#)

بتاعة الاحباط بتاعة النهاردة. يا اما بيروح يقدر على القهوة محبط الناس فاكراه بيهيس وهو محبط. محطم يا اما بيسافر يهرب لعد عمل اي حاجة بقى وخلاص المهم بس ما يبقاش مفوضح قدام الناس كده. يا ابني بس اصبر بس احس بها صح. يا اما يروح يدفع رشوة عشان يشتغل اي تبع الحكومة اي شغلانة رسمية سابتا. يا اما يروح - [00:50:52](#)

دي شغلانة حرام يفتح مشروع دي جي يفتح كافيه اي حاجة يجيب منها فلوس وخلاص. ما ينفعش يا اخواننا يبقى ده طريقة تقديرنا. ما ينفعش اقبل المرحلة الانتقالية. يعني ايه - [00:51:12](#)

يعني الوقتني انا نازل السوق لقيت محل صغير اقبله. هيجي بعد كده الماركت الكبير يتفتح قدامي. خط رجلك في ارض الواقع. انزل في ارض الواقع اقبل الشغل عشان كده عارفين ليه بقى باقول لكم اشتغلوا بدرى في سانوي وجامعة عشان في سانوي وجامعة انا كان لي واحد صاحبى دكتور في كلية طب دلوقتني في قسم القلب الوعقى كان بيشتغل نقال - [00:51:22](#)

واحنا طلبة. وراجل غنى ولكن كان ابوه راجل عاقل وهو كان عاقل. وكان بيشتغل عشان يكتسب خبرات الحياة. ما حدش قال له عيب. ليه؟ طالب. انما لما يبقى عندك تلاتين - [00:51:42](#)

لو مسلا وتيجي بقى ايه يعني ما انتاش عارف لأ فيه ناس ممكن تزعل منك. عشان كده باقول لكم من بدرى يا شباب. من بدرى فيه تلات اربع سنين كده غلسين في حياتك. لازم تقبل - [00:51:52](#)

هتقبل فيهم اي شغل. هتقبل فيهم اي مرتب. هتنزل تشتغل لمجرد انك تكسب مكافئ الشغل. لمجرد ان الفراغ ما يجيبلكم اكتئاب. لمجرد انك تكسب خبرات الحياة. لمجرد انك تحس ان لك قيمة. لمجرد ان البطالة ما تقتلكم وتفترسكم. لمجرد انك يبقى عندك قيمة. يوم ما تدخل في اي مكان - [00:52:02](#)

المرحلة الانتقالية ديت اقبلم ان فيه تلات اربع سنين ممكن يبقو شهر ممكن يبقو عشر سنين. مرحلة اقبل اي شغل فيها. انزل بس اشتغل. انزل اتعب انزل صور يا ابني على رزقك. بقى دي رابع حاجة في الروشتة اقبل المرحلة الانتقالية. الدواء الخامس في الروشتة الرضا. يعني ايه الرضا؟ يعني ما تروحش تتقدم لي لواحدة ابوها عنده - [00:52:22](#)

وخمسين مليون وتقول لي انا محطم انه ما وافقش علي. ما تروحش تتقدم لواحدة مسلا دكتورة في مش عارف كلية ايه. وانت مسلا يعني هو هي مش احسن منك ابدا - [00:52:42](#)

ولا في الدين ولا في الدنيا لا عند ربنا ولا اصلا في الدنيا. هي احسن منك في حاجة بازن الله. وحده ولا انت اقل منها في حاجة. ولكن يا اخوانا هي الدنيا مش ماشية كده - [00:52:52](#)

ممكن دي اصلا لو انت اتجوزتها تحطمت نفسيا. مصايفها غير مصايفك. مصروفها في اليوم قد مصروف السيد الوالد وهو عنده ستين سنة في الشهر. مش وفكراها غير قرائيها يقولوا كلام وانت قاعد جمبها الكرسي اللي جنب ده فاضي انا زعلان اوبي يا جماعة يعني مش عارف والله يعني الحمد لله بس هي مشرد - [00:53:02](#)

خير يعني ان شاء الله بشرة خير يا اخواننا والله انا راجل وفي جدا يا اخوانى والله اللهم لك الحمد يعني. ربنا يعني انا لستة باقول لزوجتي النهاردة يعني بلاش بقى عشان ما تتحسدش بقى. يعني اللهم لك الحمد ولك الشكر - [00:53:22](#)

انا بس انا خايف لما زلت تشوف المنزرتسيه الزن بي يعني. فانا يعني ان شاء الله ما فيش ايزاء الزن ولا حاجة. يبقى الرضا الرضا يا جماعة. لا انسى رؤية شفتها لواحد - [00:53:34](#)

صاحبنا زوجته مش حلوة. انا مش بقول مش حلوة مش قصدي. قصدي جمالا مش عليه. بس هي عروسة لقطة يعني. فشفته في

رؤية ماشي جنب ساروخ من الجمال. باقول له ايه ده - [00:53:44](#)
قال لي رضا مراتي. قلت سبحان الله! لانه راضي بها ربنا حلها في عينيه. ممكن يتجوز ملك الجمال وما يحسش بجمالها. يبقى العلاج الخامس الرضا يا شباب ارض عشان ربنا يسعد قلبك. السعادة مش في الغنى. السعادة في الرضا. الدواء السادس. الدواء السادس. طور امكانياتك واكتشف الحياة - [00:53:54](#)

ده دواه خطير جدا يا اخواننا. يا اخوانا سيدنا يوسف لما دخل على الملك كان معه سي في بهر الملك. عارف يأول الرؤية وعارف طريقة تخزين الحبوب الزراعية في سبنله وعارف ادارة الامور المالية اني حفيظ عليم. معاuchi في ضهره. يا اخوانا الحياة مش جوازة وبس. ما تقفلش افقك. ممكن طموحاتك اللي انت بتبكى عليها - [00:54:14](#)
انها ما بتتحققش النهاردة. لما تفتح افقك في الحياة تكتشف انك بتضحك على نفسك انه حلمت بالاحلام البسيطة دي في يوم من الايام. القرآن قال لك سافر فسيراوا في الارض - [00:54:34](#)

في الارض سيراوا في الارض عشان تفتح افقك للحياة. القرآن قال لك اتعرف على الناس كلها لتعارفوا عشان العلاقات بتفتح الافق في الحياة. الاسلام قال لك المؤمن القوي خير واحب الى الله من المؤمن الضعيف. طور امكانياتك. خد دورات اكتشف الحياة. اقرأ اتنقفات عشان تعرف. الدنيا وصلت لايه - [00:54:44](#)

الحياة مش بسيطة يا جماعة. يا اخوانا لما النبي عليه الصلاة والسلام خد الصحابة ولف حوالين الكعبة في عمرة القضاء قال لهم اكشفوا كتفكم. ليه؟ لأن كلهم عرض كمال اجسام بيرعب الكفار - [00:55:04](#)
قل لهم شوفوا المارينز الاسلامي. شوفوا القوة الوقتي لما بنروح عمرة مع بعض. والرجالة تقوم كاشفة كتفها.انا عايز اقول لهم غطوا الدهد مش العضلات بقى مش كمال الاجسام كله دين. يا اخوانا الدين مش دروشة. الدين بيقول لك فجر طاقاتك في الحياة. الدين بيقول لك اتغير. طور امكانياتك. ربنا بيقول - [00:55:17](#)

تتمنوا ما فضل الله به بعضمكم على بعض. الحياة مش امني. الحياة مش احلام. او مال ايه؟ للرجال نصيب مما اكتسبوا. افتعلوا. يعني تعبيوا يعني بزلوا شباب قاعد على القهوة عايز تتمنی ومش عايز اكتتبه. الدواء السابع في الروشتة وهو - [00:55:37](#)
اختار في الجواز صح او عي تحترار غلط في الجواز. لازم تحترار جوازة صح. طب اختار جوازة صح دي ازاي بقى؟ لازم تحترار جوازة. انا قلت لكم ان الدرس ده كله عشان تصحيح مفهومين. مفهوم - [00:55:54](#)

الشباب عن الشغل بفضل الله كل الحاجات اللي احنا قلناها. ومفهوم الشباب عن الجواز. القرار الغلط في الجواز بيضيع. الجواز عامل زي مفرق. لو ما انتاش ماسك الدركسون كويس قبل العربية تنقلب بك وبيك الاختيار الغلط هتفضلو تدفعوا تمنه طول عمركم. الجوازة الوحشة وحشة. والجوازة الحلوة حلوة. الاختيار نقطة في - [00:56:06](#)

الحضار فيه ناس حياتها دمرت بسبب سوء الاختيار في الزواج. طب قل لنا نختار ازاي؟ اقول لكم امتى ده فات تمانية وخمسين دقيقة. ان شاء الله المرة الجاية الجزء الثاني من انت بتتشتري راجل عن تصحيح مفاهيم الاختيار في الزواج. ازاي تحتراري صح وازاي تحترار صح. تصحيح المفاهيم. يبقى الدرس بتاع الليل - [00:56:26](#)

كان تصحيح المفاهيم في الشغل. واديانا الروشتة السباعية. الروشتة السحرية لتغيير واقع شباب القهاوي. لتغيير واقع مئات الالاف اللي قاعدين على القهوة محبطين لوقاية شباب اعدادي وسالوني وجامعة من انهم ينضموا لنادي الاحباط على القهاوي في يوم من الايام. واحد دور على - [00:56:46](#)

الشغل على رزقك من بدري. الشغل مش عيب. الحرفة مش عيب. التجارة الدين حث عليها. الفراغ هو ام الجرائم. اتنين الطاعة هو السبب الجبار لتغيير الحياة. ولفتح افاق الرزق. وخير املا ولاعطاء الامل في الحياة. ثلاثة الالتزام - [00:57:06](#)
لازم تبقى انسان ملتزم وتقول يا رب. ثلاثة احزر من الحلول المدمرة. اوعى تلجاً للمال الحرام وتبدأ حياتك بمال حرام. اوعى تلجاً لفكرة طنش تعش داعش ما تكبرش دماغك. دا مستقبلك يا ابني اتعب الوقت وواجهه. اوعى النقطة الثالثة في هزه في العلاج الثالث اوعى تلجاً لعقود العمل قبل ما - [00:57:26](#)

اعرف انت محتاجها ولا مش محتاجها. قبل ما تعرف انت بتحط رجليك فين. الدواء الرابع المرحلة الانتقالية. اقبل المرحلة الانتقالية.
اقبل ان الاجازة مش مارينا وانزل اشتغل اقبل ان الدنيا مش هتفتح لك احضانها فورا. اقبل الوزيفة اللي بخمسيني جنبيه. اقبل الوزيفة المقرفة. اقبل اي مهنة دلوقتي ليه؟ اي مهنة شريفة مناسبة. ليه - 00:57:46

يا ابني عشان المرحلة دي لازم اي شاب يعدي بها. سنتين تلاتة ربنا يفتح عليك وheetشتغل احسن شغالانة في الدنيا. بس اقبل المرحلة الانتقالية ديت الاول خمسة الرضا ارضي السعادة في الرضا. ستة ستة طور امكانياتك في الحياة وفتح افقك في الحياة. اقرأ سافر -

00:58:06

انعرف ابحس شف خبرات طور امكانياتك واسع افقك. سبعة اختار بيت صح. او عى تختار بيت غلط وده المرة الجاية بازن الله سبحانه وتعالى اللي هيتفز الروشتة السبووعية دي يا جماعة. ده ان شاء الله ده هيتحقق المعادلة المستحبيلة اللي ما فييش حد في الدنيا عارف يتحققها. السعادة والنجاج - 00:58:26

الناجح تعيس. لانه ضحي بالدنيا عشان ينجح وشواه. والسعيد مهيس وفاشل في حياته. النجاح والسعادة المعادلة الوحيدة اللي الدين بيحققها من خلال هزه الروشتة السباعية الدرس ده لا يتعارض مع الزهد يا جماعة. الزهد مش ان انا ارمي الدنيا وابقى عامل زي اللي قطع ايديه ورجليه عشان يجري بسرعة لقى نفسه مش عارف. لان - 00:58:46

الدنيا دي ايدينا ورجلينا في الطريق الى الله. الزهد وسعى لها. ان سعيك يبقى عشان الدار الاخرة. انك تفهم ان الدنيا ما تستاهلش السعي. اللي الاخرة فتسعى وتشتغل في الدنيا عشان الاخرة الدنيا مش عدوة للدين. انما الرسول قال ساعة وساعة. اووعي تشتغل في الدنيا وتتنسي الساعة بتاعة - 00:59:06

00:59:26 - ابڑا

الحالة الانتقالية من دلوقتي. ولو انت شاب كبرت ارجع تاني وهات المرحلة اللي ضاعت منك. واجهوا اتمدوا على مفاهيم المجتمع المدمرة في الجواز وفي الشغل يا اخوانا انزلوا اشتغلوا. يا اخوانا ابدأوا حياتكم العملية. يا اخوانا اقبلوا المعرض والمتحف الان. وبعد سنتين هتقولوا اللهم لك الحمد على نعمة - 00:59:46

على نعمة الدين العظيم ده اللي ملا حياتنا بركة وملئ حياتنا نور وملئ افاق عاليه حاجة غريبة يا جماعة ان احنا في درس ديني يكون التشكيل في النهاية مش قيام الليل. التشكيل في النهاية مش صيام الاثنين والخميس. التشكيل في النهاية مش عشر زي الحجة اللي جاية بعد ايام. التشكيل في النهاية ازلوا اشتغلوا في سبيل - 01:00:06

الله خيرا - 01:00:46
الله اهدنا ويسر الهدىلينا برحمتك يا ارحم الراحمين. سبحانك الله وبحمدك اشهد ان لا اله الا انت استغفرك واتوب اليك وجزاك
ولا تقصصنا. اللهم اكرمنا ولا تهنا. اللهم اعطنا ولا تحرمنا. اللهم اثربنا ولا تؤثر علينا - 01:00:26
واسمعوا الدرس ده تاني. حاولوا تكتبوه وترتبوه. وتنقلوه للشباب وللبنات. عشان نصلح فكرنا. يا ربنا. الله الهم زدنا